

PLOANIES SAN MARTIN Y LUNGIARÜ

Do la desposiziun dla Diozeja él preodü che n ploan / degan dais jö chëstes inciaries cun l'eté de 80 agn; chësc vel ince en chësc ann por siur Iaco W. Willeit. A so post él gnü nominé siur Klaus Sottsas sciöche degan dla Val Badia y Ploan de dötes les Cöres dla valada, dal 1 de setëmber 2026 inant. Chësc mudamënt porta a na situaziun nöia de colauraziun di proi (ince di patri da Oies) y de deplü impëgn dles tan de porsones laiches a sorvisc de nostes comunités.

Dai 2 ai 8 de merz vëgnel tigní te nosta Diozeja l'Edema dla Pesc. Dötes y düc é bel invia en dedolönesc, ai 3 de merz, a na Prozesciun por la Pesc: I piun ia dales 18.00 dala dljia de San Linert y jun cina sö Oies. Dailó sarál na incuntada cun letöres de tesç, poesies, testimonianzes y musiga. Gnide tröc.

Vigni vëndres de Carsëma él sö Oies la poscibilité da se confessé: danmisdé dales 9.30 - 11.00 y domisdé dales 15.30 - 16.00 y dales 17.00 - 18.00.

Mercui, 4/12, 20.00 tla dljia da La Val oraziun por interzesciun de siur Heinrich Vid.

SAN MARTIN

I seniors y les seniores da San Martin y Antermëia é dër bel invia al iade por sanc a Spinges, en vëndres ai 06 de merz y dedò marëna dal Gummererhof a Porsenü . I s'abinun dales 8.30 sön plaza dl paisc da San Martin. Präibel prenotésse pro Leo Crepez 348 409 6351 cina en dedolönesc ai 03 de merz.

LUNGIARÜ

I/les seniors/es da Lungiarü é dër bel invia/des da gni le mertesc ai 10 de merz dales 14.00, a chidlé a Al Plan tl "Hotel Waldruh". I s'abinun por les 13.30 sön plaza dlungia le Sanví y jun cun auti privac ciaran da senté adöm tan ch'ara vá.

La Uniun di Èi da Lungiarü mët a ji n curs cun Philipp Brunner da agaié lëgn, röses y sciöch'an impelzëia (veredelt) lëgn da ordöra. Al nes spigará ci plantes che alda adöm por ch'ares crësces damí te urt. Le curs gnará tigni ai 14 de merz dales 13.30 te paisc dala Renate. Por gauja dl numer limité präibel prenotésse 329 84 51 915.

Sön la bachecha di libri él le protocol dla sentada dl consëi de cöra di 6 de forá! - -

Les iscriziuns ales Scores de musiga dla Provinzia por l'ann ann de scora 2026/27 vëgn fates "online" dal 1 al 31 de merz 2026 tres le sorvisc dl'aministraziun provinziala "myCivis" <https://civis.bz.it/einschreibung-musikschule>. L'azes al sorvisc online vá tres SPID o CIE (cherta d'identité eletronica). Informaziuns tl secretariat dla Scora de musiga a La Ila: Tel. 0471/847748 o sot a www.musikschule.it

Döt le bun a chi che complësc i agn de merz a San Martin

Heinrich Castlunger che nen complësc 82 ai 4
Zita Penazzi Tavella che nen complësc 82 ai 14
Tone Gasser che nen complësc 80 ai 23

a Lungiarü

Maria Verginer Clara che nen complësc 83 ai 13



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

01.03.26 - 08.03.26 n. 14


termo por comunicaziuns: jöbia, dales 20.00

2ª DOMÈNIA DE CARSÈMA - A

Vangele do san Matí 17, 1-9

Te chël tëmp à Gejù tut Pire, Iaco y so frè Jan da na pert y i à condüt sön na munt alta. Y al é gnü trasfiguré dan sü edli; so müs lominâ sciöche sorëdl y sü guanç é gnüs blanc adorbënc sciöche la nëi. Te n iade é aparì Mosè y Elia dan da d'èi y ai baiâ cun Gejù. Dailò ti à Pire dit: Al é bun ch'i sun chilò. Sce t'ôs, fajarai sö chilò trëi üties, öna por tè, öna por Mosè y öna por Elia. Ciamò tratan ch'al baiâ, él stè n nio lominus che i à curì cun süa ambria. Y fora dl nio à scraié na usc:

Chësc é mi Fi bunorü, te chël ch'i à ciafè plajëi; ascutédele! Canche i discepu i â aldì chësc, ài ciafè na gran tëma y s'à petè col müs ia por tera. Dailò ti é Gejù jü pormez, i à pié ite y ti à dit: Lovede sö y ne ede nia tëma! Canch'ai â ciarè sö, n'odöi plü degügn, ater co Gejù. Tratan ch'ai jô jö dla munt, i à Gejù comanè: Ne stede a ti cuntè a degügn ci ch'i èis odü cina che le Fi dl Om ne n'é ressorì dai morc.



Bel Dì, i sun porsones benedides.

Benedides cun tüa löm, che ó lominé te nos y mené fora sü rais.

Y passé danter nos fora ite tl monn.

Por che le monn ne perdes nia la speranza

ch'al sais che la mort y la scuritè n'á nia l'ultima parora.

Dëidesse te chësta fede da passé fora por döt le scür y le pesoch y dásse la forza da ester testimoni stersc de to lominus

ch'i podun odëi te Gejú Crist, to Fi bunorü. Amen.

T.D.

EDEMA - A	SAN MARTIN	LUNGIARÛ	<p data-bbox="1592 97 2040 165">De mondial de oraziun dles ères. "Gnide, portédenes osc pëis"</p> <p data-bbox="1480 209 2130 373">En vëndres, ai 6 de merz, vëgnel tigní te passa 150 stac dla tera le De mondial de oraziun dles ères. I tesé, les cianties y les oraziuns é gnüdes arjignades ca da ères dla Nigeria. "Gnide! Portédenes osc pëis." insciö sona le motto ispiré dal vangele do san Matî (11,28-30).</p> <p data-bbox="1480 395 2130 663">La Nigeria é, cun 230 miliuns de abitanc, le stat plü popolé dl'África, dër desvalí, dinamich y plëgn de contrasc. Al contëgn passa 250 grups etnics cun plü de 500 lingac. La pert nord é musulmana y la pert süd cristiana. La Nigeria á la popolaziun plü jona dl monn; ma 3 porcënt é sura 65 agn. Dilan al'industria dl petröre á la Nigeria de gran poscibilités economiches, ma che la richëza y la potënza é partida sö malamënter.</p> <p data-bbox="1480 687 1794 719">Pëisc evidënc y ascognüs</p> <p data-bbox="1480 743 2130 1110">Tla Nigeria vëgn i pëisc trasportá dai ëi, dai mituns, mo dantadöt söl ce dales ères. Mo al é ince pëisc ascognüs, sciöche meseria y violënza. La vita dër desvalia dla jënt é caraterisada da tenjiuns soziales, etniches y religioses. Grups teroristics islamics sciöche Boko Haram desleria fora tëma y spavënt. I governs coroc é impotënc y n'é nia bugn da fistidié por les infrastrotöres che foss d'öga. L'incuïnämënt dla natöra dl'industria dl petröre y la mudaziun dl clima gaujëia ciaresties. Puerté, degönes prospetives por le dagní y opresciun é la consequënza de chëstes catastrofes.</p> <p data-bbox="1480 1134 2130 1334">Te chëstes ries situaziuns él ma la fede che ti scinca speranza a tröpa jënt. Chësta speranza él ères cristianes che partësc cun oraziuns, cianties y stories de vita dër de doreja. Ares cunta dl coraje de umes che mëss trá sö sü mituns da sores, dla forza dla comunité, dla fede amesa la tëma y dla forza da ne la dé nia sö y da jí inant.</p> <p data-bbox="1480 1358 2130 1453">Da 100 agn incá él ères te döt le monn che se dá da fá por chësc dé de oraziun y inviëia düc ala solidaritë, ala oraziun y ala speranza.</p>
<p data-bbox="73 137 421 245">01.03.26 2ª DOMÈNIA DE CARSEMA - A</p>	<p data-bbox="461 137 931 261">9.30 Corona/Staziuns (<i>don Marco</i>) 10.00 Gran Mëssa por la comunité + Egon Valentin ++ Milio y Ottilia Castlunger</p>	<p data-bbox="954 137 1435 316">7.50 Les Staziuns ciantades dal Cor 7.50 - 8.10 Confesciuns (<i>don Marco</i>) 8.15 Gran Mëssa por la comunité por families de Pio y Emma Clara + Johanna Schanung + Serafin Clara, Col + Hilda Pezzei</p>	
<p data-bbox="73 349 439 416">02.03.26 <i>Agnese da Prag, Ines</i> Lönesc</p>			
<p data-bbox="73 440 405 507">03.03.26 <i>Cunigunda, Tobia</i> Dedolönesc</p>	<p data-bbox="461 440 875 560">8.00 Mëssa + Sepl Flöss d'Arzó + Franz Planatscher 19.30 Sentada dl consëi de cöra</p>		
<p data-bbox="73 584 376 651">04.03.26 <i>Casimir, Teofil</i> Dedemesaledema</p>	<p data-bbox="461 584 719 616">18.00 Les Staziuns</p>	<p data-bbox="954 584 1357 643">16.30 Les Staziuns cun scolars y families</p>	
<p data-bbox="73 675 376 742">05.03.26 <i>Oliva, Dietmar</i> Jöbia</p>	<p data-bbox="461 671 909 751">19.00 Mëssa ++ Monica y Tone Tolpeit benefaturs y jënt dla Ciasa de Palsa</p>		
<p data-bbox="73 775 421 874">06.03.26 <i>Fridolin, Coleta</i> Pröm vëndres De mondial d'oraziun dles Eres</p>	<p data-bbox="461 775 752 866">18.30 Adoraziun chîta 19.00 Mëssa + Helmut Frenner</p>	<p data-bbox="954 775 1256 895">7.00 Adoraziun 7.30 Mëssa + Sepl Clara, Sanvi por les püres Animes</p>	
<p data-bbox="73 919 282 1023">07.03.26 Sabeda <i>Perpetua y Felizita</i></p>	<p data-bbox="461 919 920 1070">18.30 Mëssa prefestia (<i>don Marco</i>) Oferta - De d'oraziun por les ères de rengr. fam. Claudio Moling + Tone Unterweger, dl ann ++ Carlo y Franzl Moling</p>		
<p data-bbox="73 1094 421 1241">08.03.26 3ª DOMÈNIA DE CARSEMA - A Domènia dla solidaritë</p>	<p data-bbox="461 1094 931 1273">9.30 Corona/Staziuns (<i>prou da Oies</i>) 10.00 Gran Mëssa por la comunité +++ Albina, Loise y Paula Ploner + Augustin Clement vis y def. fam. Flöss, Coltlames</p>	<p data-bbox="954 1094 1424 1281">7.50 Les Staziuns 7.50 - 8.10 Confesciuns (<i>prou da Oies</i>) 8.15 Gran Mëssa por la comunité Oferta - De d'oraziun por les ères + Vittoria Clara + Angela Costa + Vito Clara, Somví por les püres Animes</p>	
<p data-bbox="73 1307 1216 1366">En sabeda, ai 7 de merz, tignunse a San Martin y en domènia, ai 8 de merz, tignunse a Lungiarü le De mondial de oraziun dles ères cun le tema „Gnide! Portédenes osc pëis.“</p> <p data-bbox="73 1374 1346 1469">Le motto dl de mondial de oraziun dles ères nes inviëia da perié y da se dé da fá por n miú monn. Cun i scioldi dles ofertes vëgnel sostigní deplü proiec te stac desvalis dantadöt tla Nigeria. Adöm cun d'atres organisaziuns vëgnel lauré por mioré les condiziuns de vita y les prospetives por les ères y les mitans.</p>			